



Kukasibwa Na Kalaga Ka Kwigulu

Kyakitwa na
M. Watson Goodman

Gratuit —
Geteli Bukunza

Mukanda wono “KUKASIBWA NA KALAGA KA KWI-GULU” gukukundamania masanzo mamodzi ma Idagi Iya Kalaga. Namakundamanizie ku meigisia mamodzi kutukila mikanda zeidagi Iya Kalaga, kubuno nikukengela buno meigisia masoga ma kwisula Idagi Iya Kalaga meli mango masanzo meidagi Iya Kalaga.

Idagi Iya Kalaga lyatuka kwingulu, nu likukasia bantu beli na nzala nu mpusia za kuba na bwisanana. Ndi muntu akwiyania ku bwagi nu kubuzia Yesu Kristo kwingila mu mutima wage, nu kukatizia buno Yesu Kristo eli Monia nu Mukota wage, nti Mukota Kalaga eidolesie kweli nu kumukasa mbogimbogi nu bubobeledo mu mutima wa wozo wamukatizia. Nakatile bubo mu mwaka wa 1937, nu nabezaga kugomania na Kalaga kutukila mwaka wozo. Nkukusengezia kwikasana ku Yesu buno abe Monia nu Mukota wobe, nu kubukita kano kaluma, ndi ntwakitile bubo kalazi.

— Watson Goodman (1920-2002)

Lutundo Kalaga

1

Baroma 5:8

Tondo Kalaga akulolesia lutundo lwage kutuli, kubuno Kristo atukwilide gatwabezaga tukili bagi.

Yoane 3:16

Kubuno Kalaga eitide nunse kutunda ba ga kisi buno akasene Mwana Wage wangomo, buno unسانيا wamukatizia ntazimine, tondo abe na kalamo katanakuzinda.

Yoane 13:1

Kwabezaga busi bumozzi lwa-busio lwa kulinga kwa kisagulo kya Pasaka. Yesu amenyine bunono nkungu zage za kutuka mu ki-

si nu kwenda kwisi zakuka. Atundile nunse bage babezaga mu kisi, nu abatundile aba nu kuzinda.

Yeremia 31:3

Mukota Kalaga amonekile kundi wakalazi, nu ambwide bune: Ee, nakutundile na lutundo lwa milyalya. Ububo nakulutile na kyombo kyane.

Kulolesibwa 1:5

Nu bikutukaga ku Yesu Kristo, temwe wa bulili nu mutangi watumukile ku bakuzi, nu mwangati wa bakota ba kisi. We ukututundaga nu kutwengezia ku mibi zeitu na mikila zage.

Bukalaga bwa Yesu Kristo

1 Timote 3:16

Geteli myango, kakungu kakwanza Kalaga keli kanene: We amonekileko mu mubili, abingizibwe na Muuza, amonekileko ku bamalaika, asambedwe ku babilongo, akatizizibwe mu kisi, ekilwe mwigulu mu lutanuno.

Matayo 1:22, 23

Bibino binsania byakitilwe buno iyuki lizindilile lyatendaga Mukota mu kanwa ka mulengania bune: Lolazi kikumi kyeke iyimi, nuwe abute mwana wamulume. Bamwinike izina buno Emanuele (Bwisulilwa bwalyo buli Kalaga eli neiswe).

Yoane 14:9, 10a

Yesu amubuzizie bune: Filipino, Inne nizizia neinyu bindi bingi, nuuwe ntunizi? Wozo wammunako amona ku Tatane. Kubuni ukuntenda buno nimulolesie Tatane? Ndi tamukukatizia buno nili mu Tatane nu Tatane eli mundi?

Yoane 1:1 nu 14

Mu kulinga mwabezaga Idagi, nu Idagi lyabezaga na Kalaga, nu Idagi lyabezaga Kalaga.... Nu Idagi lyabede muntu, nu eikede neiswe. Eiyede na mponga nu bulili. Twamonine ku lutanuno lwage lwakasile Isi ku Mwana wage wangomo.

I Yoane 4:15

Muntu unsania witabizia buno Yesu eli Mwana wa Kalaga, Kalaga nti akwikalaga mweli, nuwe mu Kalaga.

Matayo 3:17

Nu kazanga kongo iyuki lyatukile kwigulu lyatendile bune: Wono eli Mwana wane, u ngoli zane. Nakomana nage.

Isaya 9:6

Kubuno mwana abutilwe kutuli, twakasilwe mwana wamulume. Bwangato bukaba bwage, nu izina lyage lyabe Musoga nunse, Mukazi wa nango, Kalaga mwiya magala mansania, Isi wa milyalya, Mukota wa bubobeledo.

Luka 1:35

Nu malaika amwakwide bune: Muuza Wasililila akuvwile, nu magala ma Wozo uli kwigulu nunse makukukile anga kilimelime. Ububo wozo wasililila wabutwe nobe amanwe Mwana wa Kalaga.

Matayo 17:5

Gabezaga esatenda, kimpa kye-nga nunse kyabakukide. Iyuki lyatukile mu kimpa lyatendile bune: Wono eli Mwana wane, u Ngoli zane. Nakomana nage. Mungwililazi.

Bakolosai 2:9

Kubuno mu mubili wage (Yesu Kristo) muli kuzinidlila kunsania kwa Kalaga.

4 Yesu Akutubula bune eli nazi

Yoane 8:23

Yesu ababwide bune: Muli ba kisi, tondo Inne nili wa kwigulu. Muli ba kisi kikino, tondo Inne nsili wa kisi kikino.

Yoane 11:25

Yesu amubwide bune: Nwinne tondo, nili iyukilo nu kalamo. Wozo wankatizia aba ndi akwa, nti alame.

Yoane 6:35

Yesu ababwide bune: Nili mukate wa kalamo. Wozo wavwa kundi ntakakwa na nzala, nu wozo wankatizia ntakakwa na mpusia lingo.

Yoane 9:5

Nkungu zinikili mu kisi nili kyengi kya kisi.

Yoane 13:13

Mukummana Mukota nu Musozi, nu bubo buligo, kubuno u bubo bunili.

Yoane 8:58

Yesu abakwide bune: Lebelebe nkumubula bune: Lwabusio lwa Abrahamu ntebutwa, nti Inne nili.

Yoane 10:7

Yesu atendile lingo bune: Lebelebe nkumubula bune: Inne nili lwibi lwa mukumba wa mikoko.

Maganogano mamози makitile Yesu

5

Luka 5:5, 6

Nu Simo amwakwide bune: Mukota, twisaga tukila mu kindi kinsania, tondo tatwakatile keina. Tondo kwiyuki lyobe nkwise kakila lingo. Gabakitile bubo beitile byena bingi, nu kakila kabo batikile.

Matayo 14:19-21

Nu akakizizie musanganano kwikala ga bisugu. Kumbusa akatitile mikate itano nu byena bibili, nu agalamine kwigulu nu kubisegela nu kubiketula. Abikasile ku beigisibwa bage, nu babikasene ku bantu ba musanganano. Babo bansania balile nu bembu-

kile, nu basongezie mbobu zasigala zizazizie nzi ikumi nwibili. Babo bansania baliaga babezaga bamulume tununu tutano, nu bakikulu nu bana tabaganzilwe.

Matayo 20:30 nu 34

Bamulume babili babezaga byuku babezaga mu ntungo za nzila. Gabongule buno Yesu esatinga balalukile bune: Mukota, mwana wa Davidi, tukwe kyo-mbo . . . Nu Yesu abakwilide kyo-mbo, nu eitubizie ku meiso mabo, nu kazanga kongo bamonine, nu bamuyangile.

6 Yesu Kristo eli Mubumbi nu Mukota

Baebelo 1:2

Kalaga . . . mu bindi bibino bya kuzinda atendile kutuli mu mwana wage, wabikile kuba mupyeni wa binsania, nu lingo nage abumbile kisi.

Baroma 14:9

Ku kabamba kakano Kristo akule nu ayukile nu kulama lingo, buno abe Mukota wa bakuzi nu balami.

Bakolosai 1:16

Kubuno abumbile binsania, bi-byo bili mwigulu nu bibyo bili mu kisi, bibyo bikumonekako nu bibyo bitakumonekako, ndi bili bisumbi bya bukota, aba makota,

aba mangato, aba magala. Binsania byabumbilwe nage, nu ku kabamba kage.

Yoane 1:3

Nuwe akitile binsania. Takuli kimozi kyakitilwe kitakitilwe nage.

Misako 2:36

Ububo Baisraeli bansania bamenye buligo buno wozo Yesu umwatakile, Kalaga amubikile kuba Mukota nu Kristo.

1 Bakorinto 1:9

Kalaga eli mukatizibwa nunse, wamumanine ku mugomio wa Mwana wage Yesu Kristo Mukota weitu.

Yesu Kristo eli Musungia wa Bansania

7

Baroma 14:10

Tondo kubuni ukusungia mubuto wobe? Kubuni ukubenga mubuto wobe? Kubuno iswe bansania tukatulilwa lwabusio lwa Kristo.

Matayo 25:32

Nu babilongo bansania bakakundamana lwabusio lwage, nu akabalongania anga bukulongania mulangi mikoko nu mpene.

2 Timote 4:1

Nkukukakizia lwabusio lwa Kalaga nu Yesu Kristo, ukasungia balami nu bakuzi mu nkungu za kumoneka kwage nu bukota bwage.

Baroma 2:16

Mu busi bubo bwakasungia Kalaga tukungu twa bantu, na Yesu Kristo anga bukwigisia musagu wane musoga.

Misako 10:42

Nu atukakizizie buno tusambalile bantu nu kulongeka buno U Wozo wabikilwe na Kalaga buno abe ngatu za balami nu bakuzi.

Luka 3:17

Nu eli na lweli lwage mu kuboko kwage, nuwe akengia mulungu wage nunse, nu akabika mumpunge wage mu kigenge kyage, tondo akagisia mpepa na keiya katakuzimaga.

8 Bukuluzi buli mu Yesu Kristo tugu

Yoane 10:9

Inne nili lwibi. Wozo wingile kundi, nti onibwe. Akwingila nu kubasa nu kumona idia.

Yoane 14:6

Yesu amwakwide bune: Nili nzila nu bulili nu kalamo. Muntu ntabasaba kuli Tatane ndi ntabasila mundi.

Baabelo 5:9

Nuwe gasililizibwe, abede mulongeki wa lonio ku bantu bansania bekumwanza.

Yoane 8:24

Ku kabamba kako namute-ndile buno mukakwa mu bwagi bweinyu. Ndi tamwakatizia buno

nili Wozo, nti mukakwa mu bwagi bweinyu.

Baabelo 7:25

Ku bubuno We akuvwama konia nunse babo bakukunda Kalaga mweli, kubuno akulamaga bindi binsania kubasegela.

Misako 4:12

Nu takuli lonio muungo, kubuno takuli lingo izina kungsi kwigulu, lyakasilwe munkantini mwa bantu lyatutunganana konibwa nalyo.

1 Watesalonika 5:9

Kalaga ntasombwede buno tungibwe, tondo tonibwe mu Mukota weitu Yesu Kristo.

Bukuluzi Buli mu Yesu Kristo tugu 9

Bakolosai 1:12-14

Tukusima Tateiswe watuswagizie bunu tube na bupyeni bwa baswagibwa mu kyengi, watonezie ku bwangato bwa kapilo nu kutingizia mu bukota bwa Mwana wakatunda.

1 Bakolinto 1:30

Tondo kweli inywe museli mu Kristo walongekilwe na Kalaga kuba munge kutuli, nu kwisana-na nu kuswagibwa nu bukuluzi.

Kulolesibwa 5:9

Nu beimbaga lwimbo luto bune: Watananina kukata mukanda nu kutikya tumenyikilo twago, kubuno witalwe nu wakunzide

Kalaga bantu ba bilongo binsania nu ba mitendezi insania nu ba bikanga binsania nu bikalo binsania, na mikila zobe.

Tito 2:14

Wikasene ku kabamba keitu, bunu atonie ku bubu bunsania, nu kwengia bantu babe bage nubu babe na komanizia ka kukita misako misoga.

Luka 19:10

Kubuno Mwana wa Bantu avule kulonda nu konia babo bazimina,

Waroma 3:24

Bekubingibwa geteli kabamba ku mponga zage mu bukuluzi buli mu Kristo Yesu.

10 Bukulumania buli mu mikila za Yesu Kristo

Baroma 5:9

Kano kaluma twasila kubingibwa na mikila zage, nu kwitila nunse tukonibwa ku bongoa mweli.

1 Yoane 1:7

Tondo ndi tukwenda mu kyeengi, anga bweli mu kyengi, nti tukugomanagia bweitubweitu, nu mikila za Yesu Mwana wage zikutwengia ku bwagi bunsania.

1 Petro 1:18, 19

Kubuno mwizi tamwakulwidwe ku misako mibi zimwakatile ku basoeinywe na bikubigaga anga feza nu olo, tondo mwakulwidwe

na mikila za Kristo zili za buku-nza bubibu, anga za mwana wa mukoko uteli neitondoki aba kyu-lu.

Baefeso 1:7

Mweli tuli na bukuluza mu mikila zage, u isigililo lya bwagi bweitu, anga bwingi bwa mponga zage.

Baabelo 9:14

Kristo, wabezaga geteli itondoki, ikasene ku Kalaga na Muuza Wasililila utanakuzinda. Embe lino mikila zage zikengia nunse kalenganio keinyu ku makitilo makulusia lukuo buno mukitile Kalaga uli Mulami.

Baefeso 2:8, 9

Kubuno monezibwe na mponganga mu nzila za bukatizio, nu bubuno tabwatukile kumuli mubenyene, buli lukaso lwa Kalaga. Taluli ku makitilo buno unsania anavwa kwikaka.

Baroma 5:1

Ububo twasila kubingibwa na bukatizio. Tuli na bubobeleso na Kalaga mu Mukota weitu Yesu Kristo.

Bagalatia 5:6

Kubuno mu Yesu Kristo kumonesibwa aba kutamonesibwa takuli keina, tondo bukatizio buli na magala nu lutundo.

1 Yoane 5:4

Kubuno unsania wabutilwe na Kalaga akukindaga kisi, nu bubuno buli bukindi bukukindaga kisi, u bukatizio bweitu.

Yoane 20:31

Tondo mamano masanzilwe buno mukatizie buno Yesu eli Kristo Mwana wa Kalaga, nu mu kukatizia mube na kalamo mwezina lyage.

Yoane 6:28, 29

Bamubuzizie bune: Buni butunakita buno twakita makitilo ma Kalaga? Yesu abakwide bune: Mulimo wa Kalaga u wono — Mukatizie wozo wasingile.

Kyombo kya Kalaga**Malilo 3:22, 23**

Lutundo lwa Mukota Kalaga talukusila nunse, kubuno kyombo kyage takida. Bili bito nindunindu na nindunindu. Uli mulemanizi nunse.

Tito 3:5

Atonezie, ta ku misako zeisanaana zitwakitile, tondo ku kyombo kyage kyangukwilide, na kutwengia kwa kubutwa lingo nu kuba bato na Muuza Wasililila.

Mika 7:18

Nazi uli Kalaga anga Uwe, ukusigilila bantu bwagi nu kusi-gilila bantu bage bakusigala kabenga kabo? Ntakusigala na bo-

ngoa bwage ku milyalya, kubuno akubogaboga na kyombo.

Lwimbo 108:4

Kyelamo kyobe nu bulili bwobe bili binene anga kwasakama igulu.

Lwimbo 103:17

Tondo lutundo lwa Mukota Kalaga luli lwa milyalya ku babo bekumukwa boba, nu kwisanana kwage ku bayukulu babo.

Lwimbo 103:11

Anga kwasakama igulu kutinga kisi, ububo lutundo lwage luli lunene ku babo bekumukwa boba.

Matayo 11:28

Inywe bansania bakukita mulimo munene nu beli na mizigo mizitu, vwazi kundi, nwinne namumuzie.

Isaya 55:1

Inywe beli na mpusia, ungwililazi nu vwazi ku mazi, aba nwinnye tabeli na feza, vwazi kukunza mukate nu kulia, ee, vwazi mukunze mazi ma biguma nu mabele geteli feza nu geteli bukunza.

Yoane 7:37

Busi buzinda bwa kisagulo bwabezaga busi bunene bwakyo. Busi bubo Yesu emanine lwabusio lwa bantu nu alalukile bune:

Ndi muntu eli na mpusia, nti avwe kundi nu anwe.

Kulolesibwa 22:17

Nu Muuza Wasililila nu mukikulu wasongwa becutenda bune: Vwazi. Nu wozo ukungwa atende bune: Vwazi. Nu wozo uli na mpusia avwe, nu wozo ukutunda anwe mazi ma kalamo geteli bukunza.

Isaya 1:18

Mukota Kalaga akubula bune: Vwazi, tukalazi lwango gamozi. Ndi mibi zeinyu zakisimana nunge, zenge anga mpemba, aba ndi zakisimana anga bendela zabe anga mioza zenga za mukoko.

14 Bantu bansania tabeli bana ba Kalaga

Kubuno bansania bakusondele-zibagwa na Muuza wa Kalaga be-li bana ba Kalaga, kubuno tamwakasilwe muuza wa bukobe ukulusagia boba, tondo mwaka-silwe muuza wa kuba bana, nu nage tukulilaga bune: Tateiswe, Tateiswe. — Baroma 8:14, 15

2 Bakolinto 6:17, 18

Ku bubuno tukazi kubeli, mulakanukibwe nabo, bubo ubukutenda Mukota Kalaga, nu tamwitubie ku kinsania kili nsese, nwinne namusekele, nu nabe soeinywe, nwinywe mwabe bana bane bamulume nu bamukazi, bubo ubukutenda Mukota Kalaga mwiya magala mansania.

1 Yoane 3:10

Bana ba Kalaga bamonekako, nu bana ba Satana bamonekako mu nzila zeno: wozo utakukitaga bwisanana nteli wa Kalaga, aba nu wozo utakutundaga mubuto wage nteli wa Kalaga.

Yoane 1:12

Tondo bansania bamusekede nu kumukatizia abakasile bwan-gato kuba bana ba Kalaga.

Buno mube bana ba Kalaga beteli na kabalibango nu bwengelezi, geteli katati, mu kibuti kibi kyalubikana. Munkantini mwabo mukumoneka kuba kyengi mu kisi. — Bafilipi 2:15

Buni bwakutenda Kalaga ku maku 15

Bagalatia 5:19-21

Kano kaluma misako za bumba bwa bantu zikumonekako, uzeno: butazi, nsese, nsoni, kukumbamina nkisi, buganga, lusombo, nsake, lugi, bongoa, myango, kulekanuka, misona, kukwa na maku, buliangundu, nu bitondo byasusania bibino. Nkumukengelesiabyo, anga bunamukengelesizie buno babo bakukita bitondo bya lukita luluno tabakapyena bukota bwa Kalaga.

Baroma 13:13, 14

Tutabange mu bulili, anga mu musu, ta ku buliangundu nu kukwa na maku, ta ku butazi nu kabenga, ta ku nsake nu lugi, to-

ndo muvwale Mukota Yesu Kristo nu tamulongekele bumba bweinyu bwa bantu munavwa kwanza ntundo zabo.

Misumo 23:31, 32

Ntutunde maku kungwa meli meituba, nu makusasa mu kituma nu meli makali ku kanwa. Ku kuzinda makutoa anga nzoka, nu meli na lubaba lukali anga mpo-

Isaya 5:11

Kabebe ku babo bakuyuka lukesikesi buno balonde maku, nu ku babo bakwizizie namo busi bunsania nu kindi aba nu maku meli anga keiya munda mwabo.

Matayo 22:37, 38

Yesu amubwide bune: Tunda Mukota Kalaga kobe na mutima wobe unsania, na makengelo mobe mansania, nu na bumenyani-no bwobe bunsania. Ikakizio lilino lili linene nu litangi.

Marko 10:17-22

Musozi musoga, nikite buni bu-no nimone kalamo katanakuzinda? Yesu amwakwide bune: Kubuni ukummana musoga? Tomozi musoga, tugu Kalaga wenyene. Wizi makakizio: Ntwite muntu, ntukite butazi, ntwibe, ntweke buza, ntwengelele muntu, anza so nu nyoko. Wozo muntu a-

mwakwide bune: Musozi, kutukila bwana bwane nkwanzaga makakizio mammo mansania. Yesu amulolile na lutundo, nu amute-ndile bune: Wida kimozi tugu. Enda kukunzia byuli nabyo nu kasa bikulo ku bazambi, nuuwe nti wabe na bikulo mwigulu. Kumbusa vwa nu nyange. Tondo gongule wamulume ku bubo, akandile malanga mage, nu endile na kabebe kanene, kubuno abezaga mugumi nunse.

Misumo 16:25

Muntu anakengela nzila imozi zili nsoga, tondo kuzinda kwazo kuli lukuo.

Baefeso 5:6

Muntu ntamwengelele na moki meli buliabulia, kubuno ku kabamba ka bitondo bibino Kalaga akongelwa bantu bakunana.

1 Bakorinto 6:9, 10

Ndi tamwizi buno bateisanana tabakapyena bukota bwa Kalaga? Tamwengelelwe. Bitazi, aba bakukumbaminaga nkisi, aba beiti ba meiga, aba beli bamulume tondo basusania bakikulu, aba bakwibigia na bulume bwabo, aba beibi, aba bekutonya, aba banuzi ba maku, aba balingani, aba bakukangaga tabakapyena bukota bwa Kalaga.

Yakobo 1:22

Tondo mube bakiti beidagi, tondo ta bongwilizi tugu, muniyengelela.

1 Yoane 3:7, 8a

Bana bane bakeke, muntu ntamwengelele. Ukukitaga bwisanana eli wisanana, anga bweli wisanana. Wozo ukukitaga bwagi, nti eli wa Satana, kubuno wozo Satana akukitaga bwagi kutukila mu kulinga.

Bagalatia 6:3

Kubuno ndi muntu eli mukeke tondo akwikaka buno eli munene, nti eiyengelela.

Bwagi bukulusia lukuo**Baroma 5:12**

Kubuno ku muntu umozi bwagi bwingide mu kisi, nu ku bwagi lukuo, ububo lukuo lwabaside bantu bansania, kubuno bansania bagile.

Misumo 11:19

Wozo ukwikokomezia mu kwisanana eikale mulami, nu wozo ukukokomezia mu kukita bwagi akwe.

Baroma 8:6

Kubuno kukengelaga bitondo bya mubili kuli lukuo, tondo kukengelaga bitondo bya Muuza Wasililila kuli kalamo nu bubo-belelo.

Ezekieli 18:20

Muntu ukwaga akwe. Mwana nteke lusungio lwa bwagi bwisi, aba isi nteke lusungio lwa bwagi bwa mwana. Kwisanana kwa muntu wisanana kwabe kweli, nu bwagi bwa muntu ukwaga bwabe kweli.

Luka 15:32

Bwatutunganana kuba na kisa-gulo nu kubogaboga, kubuno wono muto wobe wakule alama lingo, azimine tondo amoneka.

Yakobo 1:15

Ndi lutundo lubi lwetile nti lwalusia bwagi, nu ndi bwagi bwetila, nti bwaluta lukuo.

Yoane 11:43, 44

Gasilile kutenda bubo, alalukile neiyuki inene bune: Lazalo, basa. Wozo wabezaga mukuzi abasile, agondwa maboko nu magulu na nsulu, nu kitambala ku meiso. Yesu abakakizizie bune: Mukandulazi, nu mumusige eiye-nde.

Yoane 10:17, 18

Tatane akunelama kubuno nkukasana kalamo kane buno nikatole lingo. Tomozi unatola kalamo kane, tondo nkukakasana ku lutundo lwane. Nili na bwangato bwa kukakasana, nu nili na bwangato bwa kukatola lingo. Ububo bwankakizizie Tatane.

Kulolesibwa 1:18

Nili wozo ukulamaga. Nabezaga nakwa, tondo nkulamaga ku nkiko na nkiko zitanakuzinda, nu nili na fungula za lukuo nu za kiziki kya bakuzi.

Luka 14:15a

Nu asigelede nu eitubizie sanduku, nu baziekaga bemanine. Abwide bune: Musikila, nkukubula bune: Zanzuka. Wozo wakule ayukile nu alingile kutenda.

Yoane 5:21

Anga bukuyukya Isi bakuzi nu kubakasa kalamo, ububo Mwana nuwe akukasa kalamo ku babo baktunda.

Kutenda lingo milembe 5:7-21

Tamube na tungo tulaga, Inne tugu.

Tamwikitile nkisi ku kinsania kyampa mwigulu aba mu kisi aba mu mazi. Tamuzikumbamine aba kuzikitila . . .

Tamulumbile izina Iya Mukota Kalaga keinyu bulia, kubuno Mukota asungie wozo muntu walumbile izina lyage bulia.

Langazi busi bwizinga bweinyu buno bwabe bwa Kalaga, anga bwamukakizizie Mukota. Kitazi

milimo zeinyu insania mu bindi mutuba . . .

Anzazi so nu nyoko anga bwa-mukakizizie Mukota Kalaga keinyu . . .

Tamwite ungo muntu.

Tamukite butazi.

Tamwibe.

Tamwekele muneinyu buza.

Tamutonye muneinyu mukikulu wage, aba numba zage, aba isoa lyage, aba mukiti wage, aba ngombe zage, aba mpunda zage, aba kinsania kili kyage.

Yobo 34:21, 22

Meiso ma Kalaga mekulola ku makitilo ma bantu, nu akumona ku masomaneno mabo mansania. Ntanabisamwa na bakiti ba bubi mu kapilo aba kilimelime.

Lwimbo 139:8 nu 12

Ndi nabakama kwigulu, nti uliko. Ndi nayikwa mu nsinda, nti ukummonako . . . Ee, kapilo takakukubisa kampa, nu kindi kili anga musi. Kapilo nu kyengi kili bumoji kuguli.

Yeremia 23:24

Mukota akubuzia bune: Ndi kuli muntu unabisama buno nsyamumone? Mukota Kalaga aku-

buzia lingo bune: Ndi nsikwiyazia igulu nu kisi?

Misumo 15:3

Meiso ma Mukota Kalaga makulola kunsania kumona ku bantu ndi bakukita busoga aba bubi.

Luka 8:17

Kubuno takuli keina kabisilwe katakabisulwa, nu takuli katendagwa ku kakungu katakongubwa kwasibwasi.

Waebrania 4:13

Takuli kibumbwa kitakumonekako, tondo binsania bili bwasi nu bikumonekako na wozo gutukukitila.

Matayo 13:41, 42

Mwana wa bantu akasinga bamalaika bage, nubo bakatikya mu bukota bwage bansania bakubenga nu babo bakukita bubi, nu bakabeisa mu kiziba kya keiya. Mukyo mukaba idilo nu kubuga meinyo.

Lwimbo 9:17

Bagi bakasubia ku kiziki kya bakuzi, nu ba bilongo bansania bakwibilila Kalaga.

Matayo 18:8

Ububo ndi kuboko kwobe aba kugulu kwobe kwakwinia mutima, nti wakusesa nu kukwisa bulazi nobe. Buli busoga nunse ku-

guli kwingila mu kalamo geteli kuboko aba kugulu kumozi kutinga kuba na maboko nu magulu mabili nu kwiswa mu keiya katanakusila.

2 Petro 3:7

Tondo igulu nu kisi biliko kano kaluma bikulangwa neidagi lilyo, buno bikubikwa mu keiya mu busi bubo bwa lusungio gakasungibwa bantu batanza Kalaga.

Matayo 25:46

Nu bantu babano bakenda mu lubabazio lutanakuzinda, tondo beisanana bakenda mu kalamo katanakuzinda.

Kwalongekedwe bantu kukwa limbizi limozi, nu kumbusa kwalo nti kusungibwa. — Baebelo 9:27

Kulolesibwa 22:12

Ungwililazi, nkavwa kitangalabesi, nu nili na nkalilo zane za kukasa ku muntu na muntu lwa-ge, anga bwakitile.

2 Petro 2:9

Mukota Kalaga eizi konia bakwanzaga Kalaga ku malindiko, nu kulanga bateisanana aba nu ku busi bwa kbasungia.

2 Bakolinto 5:10

Kubuno twatunganana bansania kwemana lwabusio lwa ksumbi kya Kristo buno tulindikwe,

buno muntu na muntu akate lukalilo lugezie misako zakitile, ndi misoga aba mibi.

Misako 17:31

Kubuno asombwede busi bwakasungia kisi mu bwisanana na wozo muntu wasombwede. Alesizie bantu bansania buno buligo, kubuno amuyukizie ku bakuzi.

1 Yoane 4:17

Ku bubuno lutundo lweitu lwasilililwa, buno tube na bupuka mu busi bwa lusungio, kubuno mu kisi kikino tukumususania.

Baroma 14:12

Ububo iswe bansania, na muntu na muntu wenyene akasambala ku Kalaga misako zage.

Mponga za Yesu Kristo

Baroma 5:15

Tondo lukaso taluli anga bwa-bezaga bwagi. Ku kabamba ka bwagi bwa muntu umozi beingi bakule, tondo mponga za Kalaga zikutinga nunse, nu lukaso lwitide ku beingi mu mponga za wozo muntu Yesu Kristo.

Baroma 9:16

Takikutuka ku kusombola kwa muntu aba ku misako zage, tondo ku kyombo kya Kalaga.

1 Petro 5:5b

Kubuno Kalaga akutobagya beli na lwikotio, tondo akukitilaga babo bekwibotia mponga.

2 Bakorinto 8:9

Kubuno mukumenya mponga za Mukota weitu Yesu Kristo, buno abezaga mugumi, tondo abede muzambi ku kabamba keinyu, buno mugume ku buzambi bwage.

2 Bakorinto 9:15

Kalaga asimwe ku lukaso lwa-ge lunene lutanavwama kusolelwa nunsania.

Misako 4:33

Basingwa basambalile iyukilo lya Mukota Yesu na magala manene nubo bansania babezaga na mponga nnene.

Misako 17:30

Kalaga ntalolaga ku nkungu zeno za bukongolo, tondo kano kaluma akukakizia bantu bansania ba kisi kinsania buno beiyanie.

Matayo 3:2

Iyaniazi, kubuno bukota bwa kwigulu buse bwagi.

Luka 13:3

Nkumubula bune: Tabubo, tondo inywe, ndi tamwiyania, nti mwazikibwe, anga bubazikizibwe.

Misako 2:38

Nu Petro abakwide bune: Iyaniazi nu mubatizibwe, na muntu

na muntu mwizina Iya Yesu Kristo buno mwasigililwe bwagi bweinyu, nu mwakaswe lukaso Iwa Muuza Wasililila.

2 Bakorinto 7:10

Tondo kabebe kakutuka ku Kalaga kakulusagia kwiyania, nu kwiyania kukulusagia lonio lutanakwibezia. Tondo kabebe kakutuka ku kisi tugu kakulusagia luku.

Misako 3:19

Ububo iyaniazi nu mugaluke, buno bwagi bweinyu bwazimibwe gakavwa nkungu za kumuna zataka ku Mukota Kalaga.

Misako 5:31

Kalaga asakikile wono kwisedume lyage buno abe Mwangati nu Monia, buno akase ku Baisraeli kwiyania nu kubasigilila bwagi.

Ezekieli 18:21

Tondo ndi mwagi agaluka kutuka mu bwagi bwage bunsania bwakitaga, nu kulanga milembe zane insania, nu kukita bulili nu kwisanana, lebelebe alame, nta-kwe.

Isaya 55:7

Muntu mubi asige nzila zage, nu muntu uteisanana asige make-ngelo mage, nu asubie ku Mukota Kalaga keitu, nuwe nti amu-

kwe kyombo, kubuno amusigilile nunsania.

Matayo 6:14

Kubuno ndi mukusigilila bantu bwagi bwabo, Soeinywe uli mwigulu, nuwe nti amusigilile bwagi bweinyu.

Marko 2:5

Gamonine Yesu buno bakatizizie nunse, atendile ku kitunga bune: Mwana wane, wasigililwa bwagi bwobe.

Misako 13:38

Mibuto zane, menyazi buno na muntu wono mukusambali-lwa kusigililwa kwa bwagi bweinyu.

Tito 2:11, 12

Kubuno mponga za Kalaga zikulusia lonio ku bantu bansania zamenyininwe, nuzo zikutwigisia bunu tusombe bubi nu ntundo za kisi, nu tulame mu kwisungula nu mu kwisanana nu mu kwanza Kalaga mu bindi bibino.

Baefeso 5:11

Nu tamugomie na makitilo ma kapilo mataswaga, tondo muma-zugile.

1 Yoane 2:15, 16

Tamutunde kisi, aba bitondo bili mu kisi. Ndi muntu atunda kisi, nti lutundo lwa Tateiswe taluli mweli. Kubuno binsania bili

mu kisi, u ntundo za mubili, nu ntundo za meiso, nu lwikotio lwa kalamo, tabikutuka ku Tateiswe, tondo bikutukaga ku kisi.

Isaya 1:16

Ogazi, engiazi, menkazi bubi bwa makitilo meinyu lwabusio lwane, sigazi kukita bubi.

Bakolosai 3:2

Kengelazi bitondo bili kwigulu, ta bitondo bili mu kisi.

Yakobo 4:4

Inywe bitazi, ndi tamwizi bunu wozo uli kilemba kya kisi, nti asomba Kalaga? Unsanja ukuba kilemba kya kisi, nti eli musombi wa Kalaga.

Kubutwa limbizi lya mabili

Ezekieli 36:26

Lingo namukase mutima muto, nu nabike mumuli muuza muto. Natikye mumuli mitima zili anga ikozi, nu namukase mutima wa bantu.

1 Yoane 2:29

Ndi mwizi buno eli wisanana, nti mwizi lingo buno na muntu na muntu akukitaga bwisanana abutilwe nage.

1 Yoane 5:18

Twizi buno unsania wabutwa na Kalaga ntakukitaga bwagi, tondo wabutwa na Kalaga akwidangaga, nu wozo mubi ntetubia kweli.

Yoane 3:3

Yesu amwakwide bune: Nkukubula bulili, ndi muntu ntabutwa limbizi lya mabili, nti ntakamona ku bukota bwa Kalaga.

1 Petro 1:23

Mwabutilwe limbizi lya mabili, ta na bibyo bikubigaga, tondo na kitakubigaga, u idagi lya Kalaga likulama nu kwizizia ku milyalya.

2 Wakolinto 5:17

Ububo, ndi muntu eli mu Kristo, nti eli kibumbwa kito. Byage bya wakalazi byatingile, nu binsania bise bito.

Bakuzi mu mibi — balami mu Kristo 29

Baefeso 2:1 nu 6

Nwinywe mwalekanukile na Kalaga, anga bakuzi, mu bwagi nu mibi zeinyu... tondo Kalaga... atulamizie gamozi na Kristo, nu atuyukizie gamozi nage, nu atwikazizie gamozi nage mwigulu mu Kristo Yesu.

Bakolosai 3:1

Ndi mwayukizibwe na Kristo, londazi bitondo bya kwigulu, kuko kwikalaga Kristo kwidume kwa Kalaga.

1 Petro 2:24

Wenyene ekile bwagi bweitu mu mubili wage ku musalaba,

buno tulekane ku bwagi nu kulamaga ku kwisanana, kubuno monemizibwe na kulibulwa kwage.

Wakolosai 2:13

Nwinywe mwabezaga mwalekanukibwa na Kalaga ku kabamba ka bwagi bwenyu nu kutamonesibwa mu mitima zeinyu, mu nkungu zezo amulamizie na Kristo. Atusigilide bwagi bunsania.

Baroma 6:2 nu 11

Iswe twakule ku bwagi, buni butunalama lingo mubo? Bubo nwinywe kengelazi buno mwakule ku bwagi, tondo muse balami ku Kalaga mu Kristo Yesu.

Bagalatia 6:8

Kubuno we ukukitilaga mubili akakaswa lukuo na mubili wage, tondo wozo ukukitilaga Muuza Wasililila akakaswa kalamo katanakuzinda na Muuza Wasililila.

Yoane 3:14, 15

Anga bwusakikile Musa nzoka geiyango mu kalula, anga bubo Mwana wa bantu atunganana kusakikwa bunu muntu unsania wamukatizia abe na kalamo katanakuzinda.

Yoane 17:3

Kakano u kalamo katanakuzinda bunu bakumenya Uwe Kalaga ka lebelebe nu kumenya Yesu Kristo uwasingile.

Yoane 3:36

We wakatizia Mwana eli na kalamo katanakuzinda, tondo we utakatizia mwana ntakamona kalamo kako, tondo bongoa bwa Kalaga buli gantata gage.

Baroma 6:23

Kubuno lukalilo lwa bwagi luli lukuo, tondo lukaso lwa Kalaga luli kalamo katanakuzinda mu Yesu Kristo Mukota weitu.

Yoane 5:24

Lebelebe nkumubula bune: Wozo ukungwa kwidagi lyane nu kukatizia wozo wansingile eli na kalamo katanakuzinda. Ntaka-sungibwa tondo asila kutuka ku lukuo nu kwingila mu kalamo.

Kumenya nunse buno tonezibwe 31

Isaya 32:17

Kwisanana kukukitaga bubobelelo, nu kuzinda kwa kwisanana kuli kubota nu kilemanizio nunse.

Bagalatia 4:6

Nu kubuno muli bana, Kalaga asingile Muuza wa Mwana wage mu mitima zeinyu, nu mumo akutenda bune: Tatane, Tatane.

Baroma 8:16

Muuza Wasililila wenyene akutendaga ku mitima zeitu buno tuli bana ba Kalaga.

Wozo wamenya makakizio mane nu kumanza u wozo wantunda. Tatane akutunda wozo wantunda,

nu namutunda nu kwidolesia kweli. — Yoane 14:21

Bana bane bakeke, tutundane mu makitilo nu mu bulili, ta na moki tugu aba ku kutenda. Ubu-bo tukumenya buno iswe tuli bantu ba bulili, nu bubo tukulindia mitima zeitu lwabusio lwage. — 1 Yoane 3:18, 19

1 Yoane 4:13

Atukasene Muuza Wage. Ubu-bo tukumenya buno tukwikalaga mweli, nuwe mutuli.

Nu ndi tukwanza makakizio mage, nti twamenya buno tumwizi. — 1 Yoane 2:3

32 Kristo munda mweitu akutubogiabogia

Yoane 17:13

Tondo kano kaluma navwa kuguli, nu nkutenda bubo nkungu zinkili mu kisi, buno mbogimbogi zane zizazibwe mubeli.

Baroma 14:17

Kubuno bukota bwa Kalaga tabuli mu kulia nu kunwa, tondo mu kwisanana nu bubobeleso nu mbogimbogi mu Muuza Wasililila.

Bagalatia 2:20

Natakilwe ku musalaba gamozi na Kristo. Tondo nkulama, abatanne lingo, tondo Kristo akulamaga mudi. Kano kaluma kalamo kankulamaga mu mubili keli

mu kukatizia Mwana wa Kalaga, wantundile nu eikasene ku kabamba kane.

Isaya 12:3

Na mbogimbogi mwatage mazi mu tunwabalongo twa lonio.

Yoane 15:11

Namutendile bubo buno mbogimbogi zane zibe mumuli, nu mbogimbogi zeinyu ziyazie mitima zeinyu.

Lwimbo 16:11

Ukandolesia nzila zikusondelezia ku kalamo. Lwabusio lwobeluli mbogimbogi nunse. Ku kuboko kwobe kuli kyelele kitanakusila.

1 Samwele 12:15

Tondo ndi tamwanza iyuki lya Mukota Kalaga nu mwanana makakizio mage, nti Mukota Kalaga asake neinyu anga kwasakile na basoeinywe.

Baroma 6:16

Ndi tamwizi buno muli bakobe ba wozo umukwanzaga? Ndi mukwanza bwagi, nti mwakwe, tondo ndi mukwanza Kalaga, nti mwabe beisanana.

Kutenda lingo milembe 11:26-28a

Lolazi, nabika lwabusio lweinyu mponga nu kiswililo. Ndi mungwilila makakizio ma Muko-

ta Kalaga makumukakizia lelo, nti mponga kumuli, tondo ndi ta mungwilila makakizio ma Mukota Kalaga keinyu, nti kiswililo kumuli.

2 Batesalonika 1:7-9

Nwinywe bakwitibwa na kabebe akamumusia gamozi nei-swe gakamonekako Mukota weitu Yesu Kristo na bamalaika bage ba magala. Akasungia mu ndembela za keiya babo beiteizi Kalaga, u babo batanza musagu musoga wa Mukota weitu Yesu Kristo. Bakababazibwa na lukuo lutanakuzinda u kulekanukibwa na Mukota nu lutanuno lwa magala mage.

Bafilipi 2:11

Nu buno na lulami na lulami lukeitabizia buno Yesu Kristo eli Mukota buno Kalaga Tateiswe aganunwe.

Matayo 10:32, 33

Umpanga muntu unsania ukantabizia ku bantu, nwinne lingo nkamwitabizia ku Tatane uli kwigulu. Tondo muntu unsania ukantuna ku bantu, nwinne lingo nkamutuna ku Tatane uli kwigulu.

Baroma 10:9, 10

Buno ndi witabizia na kanwa kobe buno Yesu eli Mukota, nu ndi wakatizia mu mutima wobe

buno Kalaga amuyukizie ku bakuzi, nti ukonibwe. Kubuno mu mutima wage muntu akukatizia ku kwisanana, nu na kanwa akwitabizia nu konibwa.

1 Yoane 2:23

Muntu unsania watuna Mwana, nti nteli neisi, nu muntu unsania witabizia Mwana, nti eli neisi.

Luka 9:26

Kubuno muntu unsania ankwa-ga nsoni aba malagi mane, nti Mwana wa bantu akamukwa nsoni gakavwa mu lutanuno lwage nu lweisi, nu lwa bamalaika basililila.

1 Petro 5:8

Idangazi, kesiazi ntende, kubuno mwiti weinyu Kaginga, anga simba zikuzuga, akutabanga mu kisi nu kulonda bantu buno ababigie.

2 Batesalonika 2:9

Wozo wavwe mu makitilo ma Satana nu magala mage mansania nu migeleko nu maganogano ma buza.

Matayo 4:1 nu 10, 11

Mu nkungu zezo Yesu asondelezizibwe na Muuza Wasililila mu kalula buno alindikwe na Kaginga... nu Yesu amubwide bune: Tuka bulazi, Satana, kubuno bwasanzilwe bune: Kumbami-

na Mukota Kalaga kobe, nu umukitile tugu. Kusila Kaginga amusigile, nu bamalaika bavule kuli Yesu nu bamukitide.

Baefeso 6:11

Zwalazi binsania bya bita bya Kalaga, buno mulinde ku bwenge bwa Kaginga.

Misako 26:18

Kuzibula meiso mabo, nu kubagalukia kutukila kapilo aba nu kubabasia ku kyengi, nu kubatikya ku bwangato bwa Satana buno bavwe ku Kalaga, buno basigililwe bwagi bwabo nu kuka swa bupyeni munkantini mwa babo baswagizibwe mu nzila za kunkatizia.

2 Batesalonika 2:8

Mu nkungu zezo wozo mwiya kabenga akalolesibwa. Mukota Yesu akamwita na muuza wa kanna kage, nu akamuzika na lutanuno lwage lwa kuvwa kwage.

Baebelo 2:14

Bana beli na mibili anga kikanga kyabo. Ububo we abede mu mubili, buno mu nzila za lukuo azikye wozo wabezaga na bwangato bwa lukuo, u Kaginga.

Baroma 8:35 nu 37

Nazi unatulekanukya na lutundo lwa Kristo? Ndi nsungio, aba mbabazio, aba nzala, aba bwela, aba bitondo bibibu, aba mwene wa nganda? Kilo, mu bi-

tondo bibino binsania twitila kukinda mu wozo watutundile.

Ububo anzazi Kalaga. Tobiazi Kaginga, nuwe nti amutine. Kundazi ku Kalaga, nuwe amukunde. — Yakobo 4:7, 8a

1 Yoane 3:8

Wozo ukukitaga bwagi eli wa Kaginga, kubuno Kaginga akwagaga kutukila kulinga. Ku kabamba kakano Mwana wa Kalaga amonekileko, buno azikye makitilo ma Kaginga.

Marko 3:11

Nkungu zibamumonineko, bausumbu bamugwilide nu balalukile bune: Uwe uli Mwana wa Kalaga.

Lutundo u idindiko lya kuba mwigisibwa 37

Bagalatia 5:22, 23a

Tondo misako zikukitaga Muu-za Wasililila zili lutundo, mbogimbogi, bubobelelo, nkiki, mponga, busoga, bukatizio, kubota, kwisungula.

1 Bakorinto 13:1

Ndi nkutenda ku mitendezi za bantu nu za bamalaika, tondo nsili na lutundo, nti nili anga nsubi zikuzuma aba kindanda kikugombwa.

1 Yoane 3:14

Twizi buno twatukile ku lukuo nu twingile mu kalamo kubuno tukutunda mibuto zeitu. Wozo watatunda mubuto eikile mu lukuo.

Yoane 13:35

Ndi mwatundana bweinyu-bweinyu, nti bansania bamenye buno muli beigisibwa bane.

Yoane 21:16

Yesu amubuzizie limbizi lya mabili bune: Simo, mwana wa Yoana, ndi wantunda? Amwakwide bune: Ee, Mukota, wizi buno nakutunda. Yesu amubwide bune: Langa mikoko zane.

1 Yoane 4:20

Ndi muntu atenda bune: Natunda Kalaga, nu asomba mubuto wage, nti eli muza, kubuno wozo utatunda mubuto wage wamonineko, buni bwanatunda Kalaga watamonineko?

Tuli batemwe ku bansania bwakitaga mu kisi kya Bayuda nu mu Yerusalema. Bamwitile gabamututubizie misomali ku musalaba. Kalaga amuyukizie kumbusa kwa bindi bisatu, nu amulolesizie bwasiwasi, ta ku bantu bansania, tondo ku batemwe basombwedwe na Kalaga, aba nwiswe twalile nu twanune nage kumbusa kwayukile ku bakuzi. — Misako 10:39-41

Yoane 20:26-28

Kumbusa kwa izinga limozi beigisibwa ba Yesu bakundame ne mu numba, nu Toma abezaga nabo. Begalile nibi, tondo Yesu emanine munkantini mwabo, nu

abatendile bune: Bubobebelelo kumuli. Nu abwide Toma bune: Bika munwe wobe gano, nu lola makasa mane. Lambia ikasa lyobe, nu ulibike ku mpege zane. Ntube na myango, tondo kati- zia. Toma amwakwide bune: Mukota wane nu Kalaga kane.

Baroma 4:25

Wakasenwe ku kabamba ka bwagi bweitu, nu wayukizibwe buno tubingibwe.

Marko 16:9

Gayukile Yesu ku bakuzi lukesikesi busi bwizinga, edolesizie tanga ku Maria wa Magadala, wozo wapumbizie Yesu basumbu mutubakamo mweli.

Matayo 16:21

Kutukila nkungu zezo Yesu alingile kulolesia beigisibwa bage buno atunganana kwenda ku Yerusalema, nu kubabazibwa na bakulu nu basankoga banene nu basozi, nu kwitwa nu kuyukibwa ku bindi bisatu.

Yoane 5:25 nu 28, 29

Lebelebe nkumubula bune: Nkungu zikuvwa, nu ziseli kano kaluma, gungwe bakuzi kwiyuki Iya Mwana wa Kalaga, nu babo bongwe kulyo, nti balame... Tamwangame ku kikino kitondo, kubuno nkungu zikuvwa, nkungu za bakuzi bansania beli mu nsi-

nda bongwe kwiyuki Iyage nu bakayuka mu nsinda zabo. Babo bakitile busoga bakayuka ku kalamo, tondo babo bakitile bubi bakayuka ku lusungio.

Baroma 6:3-5

Ndi tamukamenya buno iswe twabatizizibwe mu Yesu Kristo twabatizizibwe mu lukuo lwage? Ububo twayikilwe nage mu bubatizo mu lukuo lwage, buno anga bwayukile Kristo mu lutanuno lwisi, ububo nwiswe tuta-bangazi mu kalamo kato. Kubuno ndi twayikilwe gamozi nage mu lukita lwa lukuo lwage, twayukibwe gamozi nage mu lukita lwa kuyuka kwage.

Kusililila kwa Kalaga

Luka 1:74, 75

Buno atukase buno twatuki-bwa ku bwangato bwa beiti beitu nti twamukitila geteli boba, mu kusililila nu kwisanana bindi binsania bya kalamo keitu.

Basombwedwe na Kalaga Tateiswe kubuno abamenyine wakalazi mu kuswagibwa kwa Muuzza Wasililila buno banze Yesu Kristo nu kukubulilwa mikila zage. Mponga nu bubobeleso bitalikilwe kumuli. — 1 Petro 1:2

2 Timote 2:21

Ukinsa ndi muntu eiyengia na bibino, nti eli anga nyungu nso-ga, muntu wasililila nu atananizie

Mukota nu eli kayikayika ku mulimo unsania guli musoga.

2 Bakorinto 7:1

Batundwa bane, kubuno tuli na malagano mamano, twiyengiazi ku nseke insania za mubili nu za mutima, tuzindilizie kusililila kweitu mu kukwa Kalaga boba.

1 Petro 1:15

Tondo anga bwasililila wozo wamumanine, ububo musililile mu binsania bimukukitaga.

Ikokomezie buno utananizie Kalaga nu kuba mukiti wa mulimo utakukwa na nsoni, kukitaga neidagi lya bulili anga bwa-kulungana. — 2 Timote 2:15

Baefeso 1:4

Anga mu nkungu zabezaga kisi takiba, atusombwede mweli buno tube basililila beteli na kata-ti lwabusio lwage mu lutundo.

Baabelo 13:12

Nuwe lingo, Yesu ababazizi-bwe kwisula lya mwino, buno asililizie bantu na mikila zage.

1 Yoane 1:9

Ndi twigonga bwagi bweitu, we eli mukatizia nu eisanana nti atusigilile bwagi bweitu nu kutwengia ku binsania biteisanana.

Matayo 3:11

Lebelebe nkumubatizia na mazi kubuno mwiyanina, tondo we

wavwa kumbusa kwane akamubatizia na Muuza Wasililila nu na keiyanina. Nsyakuka kweka bisalapatata byage.

Isaya 35:8

Gago gabe nzila, u nzila nnene, nu zamanwe Nzila Zasililila. Unsanina uli na nsese ntingile muzo, aba bikongolo tabingile muzo, tondo beisanana bende muzo.

2 Petro 3:11

Kubuno binsania bikazikwa mu lukita luluno, nwinywe mwatunganana kuba bantu ba lukita lukizi? Mwatunganana kwisananina nu kwanza Kalaga nunse.

Luka 11:13

Ndi inywe bantu babi mwizi kukasana bana beinyu nkaso nsoga, ndi Soeinywe uli mwigulu nitanitila kukasa Muuza Wasililila ku babo bakumusega?

Misako 11:24a

Abezaga muntu musoga, eiya-
la na Muuza Wasililila nu na
bukatizio.

Misako 13:52

Nu beigisibwa beiyazizibwe na
mbogimbogi nu na Muuza Wa-
sililila.

Baroma 8:9

Tondo ndi Muuza wa Kalaga
eikala mumuli, nti tamukuyanga
lukita lwa bantu, tondo lwa Muu-

za. Ndi muntu nteli na Muuza
wa Kristo, nti nteli muntu wage.

Ezekieli 36:27

Nu nabike mutima wane mu-
muli, nu kumwenzia ku milembe
zane, nu mwalange makakizio
mane nu kumakita.

Misako 4:31

Nu gabasilile kusega kiziki ki-
bakundamene mukyo kyangile-
tengile, nu bansania beiyede na
Muuza Wasililila, nu basambala-
ga idagi lya Kalaga na bupuka.

Misako 1:8a

Tondo mwakaswe magala ga-
muvwile Muuza Wasililila, nwi-
nywe mwabe batemwe bane...

Lwimbo 34:18

Mukota Kalaga eli bwigi na babo bakubabalwa ku mutima. Akonya babo bakwiyania mu mitima zabo.

Isaya 66:2

Mukota Kalaga akutenda bune: Nakitile bibino binsania, nu bintu bibino binsania byabede, tondo nkulola ku muntu uli mu-keke nu mwiya mutima wabunguka nu ukugiliminaga gakungwa kwidagi lyane.

Kulolesibwa 21:4

Nu Kalaga akanyonyona bisozi binsania ku meiso mabo, nu takukaba lingo lukuo aba kabebe

aba idilo aba mbabazio, kubuno binsania bitangi byatingile.

Lwimbo 37:3

Lemanina Mukota Kalaga nu kita busoga, nu walamage mu kisi na bubobelego nu walisibwe.

1 Petro 4:12, 13

Batundwa bane, tamwitangale kwidindiko lili anga keiya liku-mubasila nu likumugeleka, nu tamukengele buno kili kitondo kigene. Bogazibogazi kubuno mukubabazibwe anga bwababazibwe Kristo, buno mukabogaboga na kyelele gakalolesibwa lutanuno lwage.

44 Malagano masoga ku bakulindikwa

Baabelo 2:18

Kubuno we wenyene ababazi-zibwe nu kulindikwa, nu akuvwama kukasia babo bakulindikwa.

Baroma 16:20

Nu Kalaga ka bubobeleso aka-nyanta Satana kungsi kwa magulu meinyu yiliyili.

Lwimbo 34:19

Kuli tubebe twingi ku beisana-na, tondo Mukota Kalaga akubonya ku tunsania.

1 Bakorinto 10:13

Takuli idindiko limukulindikwa litakulindikwa bango banto. Kalaga eli mulemaninwa, nu ntana-

ziga bunu mulindikwe neidindiko limutanavwama kukinda, nu gamwalindikwe nti amukasie bunu munalikinda.

Isaya 43:2

Gawatinga mu mazi, nti inne nabe gamozi nobe, nu mu nuzi tazakukokye. Gawatabanga mu keiya, nti ntwagie, aba ngulumina za keiya tazakugisie.

Baroma 8:28

Nu twizi bunu binsania bikukita gamozi bunu bibe bisoga ku babo bakutundaga Kalaga, u babo bamaninwe ku kusombola kwage.

Kulolesibwa 3:12

Nkubika wozo ukukindaga bu-no abe anga iyango mu numba za kukumbamina za Kalaga kane, nu ntakatuka mumo lingo, nu nkasanza kweli izina lya Kalaga kane, nwizina lya mwino wa Kalaga kane, u Yerusalema mutoto, ukagela gansi kutuka kwigulu ku Kalaga kane, nu nkamusanzila izina lyane ito.

Kulolesibwa 3:5

Wozo ukukindaga akavwalikibwa nsulu zenga, nwinne nsikazimia izina lyage ku mukanda wa kalamo, tondo nkeitabizia izina lyage ku Tatane nu lwabusio lwa bamalaika mage.

Kulolesibwa 3:21

Nkakasa wozo ukukindaga bwangato bwa kwikala gamozi nanne ga kisumbi kyane kya bukota, anga bunakindile nu neikedegamozi na Tatane ga kisumbi kyage kya bukota.

Kulolesibwa 21:7

Wozo ukukindaga akapyena bintu binsania, nwinne nkaba Kalaga kage, nuwe akaba mwana wane.

Kulolesibwa 2:7

Wozo uli na matuzi, ongwilile bukutenda Muuza Wasililila ku makanisa. Wozo ukukindaga, nkamulisia ku muti wa kalamo uli mu Paladiso za Kalaga.

46 Kalaga akutubula kitondo kya kutikya mukikulu

Matayo 5:32

Nwinne tondo, nkumubula bu-
ne: Ndi wamulume unsania ati-
kya mukikulu wage ndi ta ku ka-
bamba ka butazi bwa mukikulu,
nti akumusindika ku butazi, nu
unsania anasonga wozo mukiku-
lu, nti akukita butazi.

Baroma 7:2, 3

Kubuno mukikulu akandwa
kwiba wage ku kalamo kage ka-
nsania, na milembe. Tondo ndi
wamulume akwa, nti akandulwa
ku milembe ziba wage. Ububo
gakulamaga iba wage, ndi aso-
ngwa nongo wamulume nti ama-
nwa kitazi, tondo ndi iba wage

akwa, nti akandulwe ku milembe
zezo

Luka 16:18

Muntu unsania ukutikya mu-
kikulu wage nu kusonga ungo,
nti akukita butazi. Nu wozo wa-
mulume ukusonga mukikulu wa-
tikibwa, nti akukita butazi.

1 Bakorinto 7:10, 11

Nkukakizia babo basongene,
tondo ikakizio lili lya Mukota,
ta lyane tugu. Lili buno mukiku-
lu ntasige iba wage. Tondo ndi
amusiga, nti ntasongwe nongo
wamulume, tondo akulumanibwe
neiba wage lingo.

Yoane 14:3

Nu ndi nenda kumukulumizizia biziki, nti nkasubia lingo nu kumusekela, buno kuko kunili mukikalageko.

Yakobo 5:8

Ikalilazi nunse, lindiazi mitima zeinyu, kubuno kuvwa kwa Mukota Kalaga kuse bwigi.

Marko 8:38

Ububo na muntu na muntu ukunkwa nsoni, aba meigisia mane, munkantini mwa bantu ba lolo, u basombi ba Kalaga nu beiya mibi, nti Mwana wa Bantu, nuwe akamukwa nsoni gakavwa mu lutanuno lwisi gamozi na bama-laika basililila.

Matayo 24:30

Mu nkungu zezo kakengelesio ka Mwana wa Bantu kakamonekako mwigulu, nu babilongo bansania bakalila, nu bakamona ku Mwana wa Bantu gesavwa mu bimpa nu na magala mage nu lutanuno lwage lunene.

Matayo 24:27

Anga bukukelimaga mikenzi kuntata nu kumonekako kungsi, ububo bukaba kuvwa kwa Mwana wa Bantu.

Kulolesibwa 3:11

Navwe kitangalabeisi. Koko-mezia nunse kiguli nakyoy, buno ungo muntu ntakunyage nkali-lo zobe.

1 Yoane 3:2

Batundwa bane, kano kaluma tuli bana ba Kalaga. Tabumonekako nunse butukaba. Twizi bunno gakamonekako tukamususania, kubuno tukamumonako anga bweli.

Kulolesibwa 16:15

Ungwililazi, nkuvwa anga mwi-bi. Kuli mbogimbogi ku wozo ukukesia ntende, nu kulanga nsulu zage buno ntende mundulu, nu bantu tabamukange.

Luka 12:40

Ububo nwinywe mube kayikayika, kubuno Mwana wa Bantu akavwa mu nkungu zimutakumukika.

Misako 1:11

Nu lingo batendile bune: Inywe, bantu ba Galilaya, kubuni kumwemana nu kulolaga kwigulu? Wono Yesu wabakamine kutuka kumuli nu kwenda kwigulu, akavwa lingo anga bumwamumonine kwenda kwigulu.

Matayo 16:27

Kubuno Mwana wa Bantu akavwa na bamalaika bage mu lutanuno lwisi. Busi bubo akaliga muntu na muntu anga bwakitaga.

Luka 21:27

Mu nkungu zezo bakamona ku Mwana wa Bantu akuvwa mu bimpa na magala nu lutanuno lunene.

Idagi Iya Kalaga

Luka 21:33

Igulu nu kisi bikatinga, tondo malagi mane tamakatinga nu-nse.

Matayo 22:29

Tondo Yesu abakwide bune: Mukwibaga, kubuno tamukumenya masanzo aba magala ma Kalaga.

2 Timote 3:16

Masanzo mansania mopidwe na Kalaga, nu meli masoga kwigisia, nu kuzugila, nu kusungula, nu kwigisia bwisanana.

2 Petero 1:21

Kubuno bulengania tabwalusizibwe wakalazi na kusombola

kwa bantu, tondo bantu beisanana ba Kalaga basambalaga anga bubasondelezibwa na Muuza Wasililila.

Lwimbo 119:11

Nabisile idagi lyobe mu mutima wane buno nsyakwagile.

Lwimbo 119:105

Idagi lyobe lili anga itala kundi, nu kyengi mu nzila zane.

Kutenda lingo milembe 4:2

Tamutalike ku makakizio manamukakizizie, nu tamutikye limozi kumo, tondo langazi makakizio ma Mukota Kalaga keinyu manamukasa.

Published in numerous languages by World Missionary Press as God supplies funds in answer to prayer. If you would like more copies for careful distribution, please write to us in English.

World Missionary Press, Inc.
P.O. Box 120
New Paris, IN 46553-0120 USA